

**«Հայաստանի պետական տնտեսագիտական համալսարան»  
պետական ոչ առևտրային կազմակերպության գիտական խորհուրդ**

**Ո Ր Ո Շ ՈՒ Մ**  
**10 հուլիսի 2013 թվականի**

**Առկա ուսուցման բակալավրիատում գիտելիքների գնահատման  
բազմագործոնային կարգում փոփոխություններ կատարելու մասին**

Ուսանողի գիտելիքների գնահատման բազմագործոնային մոտեցումը կրեդիտային համակարգում խիստ կարևորվում է: Ըստ այս համակարգի՝ որոշակի առարկայի գծով ուսանողի ամփոփ գնահատականը ձևավորվում է կիսամյակի ընթացքում, գնահատման մի քանի գործոնների և դրանց կշիռների հիման վրա՝ հաշվի առնելով հաճախումները և ընթացիկ ակտիվությունը, անհատական աշխատանքը և գիտելիքների ստուգման 1-ին ու 2-րդ միջանկյալ փուլերը: Ուսանողների գնահատումն իրականացվում է 100 միավորային համակարգով:

**Բազմագործոնային գնահատման համակարգի գործոնները և կշիռները**

|    | <b>ԳՈՐԾՈՆՆԵՐ</b><br><b>(տարբերակված գնահատումով (քննությամբ ավարտվող)<br/>անհատական աշխատանքով մոդուլների համար)</b> | <b>ԿՇԻՌՆԵՐ</b> |
|----|--|----------------|
| 1. | Հաճախումներ և ընթացիկ ակտիվություն   | 20             |
| 2. | Ուսանողի անհատական աշխատանք  | 12             |
| 3. | Միջանկյալ ստուգում 1-ին  | 34             |
| 4. | Միջանկյալ ստուգում 2-րդ  | 34             |

|    | <b>ԳՈՐԾՈՆՆԵՐ</b><br><b>(տարբերակված գնահատումով (քննությամբ ավարտվող)<br/>անհատական աշխատանքներ չպարունակող մոդուլների համար)</b> | <b>ԿՇԻՌՆԵՐ</b> |
|----|---|----------------|
| 1. | Հաճախումներ և ընթացիկ ակտիվություն  | 32             |
| 2. | Միջանկյալ ստուգում 1-ին   | 34             |
| 3. | Միջանկյալ ստուգում 2-րդ   | 34             |

|    | <b>ԳՈՐԾՈՆՆԵՐ</b><br><b>(ստուգարքով ավարտվող մոդուլների համար)</b> | <b>ԿՇԻՌՆԵՐ</b> |
|----|---|----------------|
| 1. | Հաճախումներ և ընթացիկ ակտիվություն                                | 60             |
| 2. | Ամփոփիչ ստուգում  | 40             |

Բազմագործոնային գնահատման կշիռները, անհրաժեշտության դեպքում, ռեկտորատի կողմից ենթակա են վերանայման:

Հաճախումների ցուցանիշը ընթացիկ ակտիվության գործոնի գնահատականի վրա անդրադառնում է հետևյալ կերպ.

| Հաճախումների ցուցանիշը (%) | Ընթացիկ ակտիվության առավելագույն գնահատականը  |  |  |
|----------------------------|---|--|--|
|                            | որպես մաս ընդհանուր հաշվարկային գնահատականի (տարբերակված գնահատումով (քննությամբ ավարտվող) անհատական աշխատանքով մոդուլների համար) | որպես մաս ընդհանուր հաշվարկային գնահատականի (տարբերակված գնահատումով (քննությամբ ավարտվող) անհատական աշխատանքներ չպարունակող մոդուլների համար) | որպես մաս ընդհանուր հաշվարկային գնահատականի (ստուգարքով ավարտվող մոդուլների համար) |
| 90,1 - 100                 | 20  | 32   | 60   |
| 80,1 - 90,0                | 18  | 28   | 54   |
| 70,1 - 80,0                | 15  | 23   | 46   |
| 60,1 - 70,0                | 12  | 18   | 36   |
| 50,1 - 60,0                | 8   | 12   | 24   |
| 40,0 - 50,0                | 4   | 6  | 12   |
| Մինչև 40,0                 | 0   | 0  | 0  |

Ուսանողների հաճախումները չհաշվառելու դեպքում դասախոսը ենթարկվում է կարգապահական տույժի:

Գիտելիքների ստուգումներն իրականացվում են՝

- 1) թեստային-համակարգչային,
- 2) թեստային-լսարանային և
- 3) բանավոր եղանակներով:

Բանավոր քննություններն անցկացվում են հանձնաժողովներով՝ ամփոփիչ ատեստավորման քննությունների նման: Բանավոր քննության գնահատականի բողոքարկումը կատարվում է լսարանում՝ գնահատականը հայտնելուց անմիջապես հետո:

Համահամալսարանական դասընթացներից գիտելիքների ստուգումը (գնահատումը) կազմակերպվում է թեստային (համակարգչային կամ լսարանային) եղանակով (ռեկտորատի որոշմամբ դրանք կարող են կազմակերպվել կա՛մ համակարգչային, կա՛մ լսարանային եղանակներով):

«Բարձրագույն մաթեմատիկա», «Հավանականությունների տեսություն և մաթեմատիկական վիճակագրություն», «Վիճակագրության ընդհանուր տեսություն», «Մոցիալ-տնտեսական վիճակագրություն» և «Տնտեսամաթեմատիկական մեթոդներ և մոդելներ» առարկաների քննությունները կազմակերպվում են գրավոր-բանավոր եղանակով՝ տեսական և գործնական հարցերի գրավոր պատասխանները զուգակցելով բանավոր մեկնաբանություններով:

Մասնագիտացման (5 կրեդիտանոց) դասընթացներից գիտելիքների ստուգման եղանակներն առաջարկում է ամբիոնը, որոշում է ռեկտորատը:

Քննաշրջանում վերահանձնում է կազմակերպվում այն դեպքում, երբ վերջնական հաշվարկային գնահատականի թվային արժեքը փոքր է 40-ից: Ամբողջ քննաշրջանի ընթացքում ուսանողը պահպանում է անհատական աշխատանքի ու հաճախումների և ընթացիկ ակտիվության գնահատականները: Քննաշրջանի ընթացքում անցողիկ գնահատականը 40-ն է: Դիպլոմի հավելված է փոխանցվում վերահանձնումից հետո ձևավորված վերջնական գնահատականը:

Գիտական խորհրդի նախագահ  
10.07.2013 թ.

Կ. Լ. Աթոյան